

kontraste al la antaŭaj partoj : ~o de pejzaĝo, horizonto, penŝaĝo (Kp FONO). 4 Supraĝo de teksaĝo, sur kiu kontraste elvidiĝas desegnitaj aŭ broditaj ornamaĝoj : ruĝa ŝtrio, verda ŝtelo sur blanka ~o (Kp FONO). 5 (f) Plej intima, kaŝita parto : danki el la ~o de la koro ; en la ~o de sia koro li malamas ŝin. 6 (f) Plej esenca parto de io : la ~o de la homa suĝeco (Kp BAZO, FINO, FUNDAMENTO, KERNO). 7 (f) Plej alta grado de malboneco : la ~o de la mizero B, de la malvirto (Kp EGECO, EKSTREMO, ZENITO, PLEJ SUPRA PUNKTO). ~a. 1 Estanta en la ~o : ~a akvo, ŝlimo, feĉo, fiŝo. 2 (f) Penetranta la esencon de la afero : ~aj konoj ; ~a klarigo (Kp KERNA, PROFUNDA). ~e. 1 Ĉe la ~o : ~e de la maro. 2 (f) Plene, plendetale : ~e scipovi lingvon. Ĝis~e. 1 Ĝis la ~o. 2 (f) ~e 2 : esplori ĝis~e la aferon. Sen~aĝo Z. Abismo. Sur~aĝo. 1 Ŝlimo el solidaj materioj, kiuj amasiĝas sur la ~o de fluajoj (Kp FEĈO, SEDI-MENTO, REKREMENTO). 2 (f) Plej malbona, plej malestiminda parto : la sur~aĝo de la loĝantaro Z.

\*Fundamento. 1 Masonaĝo servanta kiel bazo por konstruaĝo. Kp GRUNDO. 2 (f) Esenca bazo, ĉefa principo : la ~o de Esperanto ; la ~oj de la ŝtato, de leŭrio ; sen~a propono Z, motivo Z. ~a. 1 Apartenanta al la ~o : ~a ŝlono B. 2 (f) Esenca, baza : ~a regulo, principo, argumento ; tion oni devas ~e (ĝisfunde) esplori Z. ~1 (tr). Firme starigi, bazi : konstruaĝo bone ~ita ; ~i metodon sur la sperto. Kp FONOI.

\*Funebro. 1 Malĝoja sento pro ies morto, pro malfeliĉego : estas granda ~o en la domo, en la tula lando. 2 Eksteraj montroj de tia malĝojo ; ~a ceremonio : oni faris al ti imponan ~on ; la ~o daŭris unu jaron B ; multaj personoj ĉeestis la ~on. 3 Vestoj de ~o : survesti, porti ~on pri iu Z. ~a. 1 Malĝoja pro morto, malfeliĉego : ~a sento, mieno, rukonto. 2 Rilata al ~o : ~a vesto Z, procesio Z, ceremonio ; ~e vestita. ~1 (x). 1 Interne senti ~on : ~i la morton de iu B ; ~i pri iu Z ; ~i pri, pro la morto de iu ; ~i la perditan feliĉon, pro la perdita feliĉo. 2 Ekstere montri ~on : ~i iun, pro iu Z, pri iu ; ~i per longa ceremonio la filon, la morton de la filo.

\*Funelo. Ilo, kies supra parto estas konusforma, k finiĝanta per rekta tubo, uzata por versi fluajon en barelon, vazon, botelon kc.

\*Fungo. Kriptogama veg. sen klorofilo, el kiuj iuj specoj estas manĝeblaj k aliaj venenaj : ŝimo estas ~elo.

funguso ☄. Fungosimila elkreskaĝo, kiu kreskas el la interno de vundo aŭ de absceso.

funliklo. 1 ♥ La arterio k la du vejnoj, kiuj kunligas la feton al la placento (= umbilika ŝnuro). 2 ♀ Organo, kiu kunligas la ovojn al la placento.

Funkoll (ntr). 1 (iu) Agi plenumante oficon, difinitan daŭran komisiitan servon : ~i kiel urbestro, sekretario, agento. 2 (io) Plenumi la propran difinitan taskon, parolante pri organo, maŝino k ĝenerale ĉiu ajn ilo aŭ organizo : la koro, la kuroj, la maŝino ne regule ~as ; la maŝino ne plu bone ~as ; la entrepreno, fabriko, societo, estraro, kurso, kunveno ~as ankoraŭ ; la leatroj ne ~os hodiaŭ. ~o. 1 (de iu) Aparta fako, ofico organizita por plenumi difinitan servon ; kampo de agado, en kiu oni plenumas difinitan servon : la publikaj ~oj ; la ~o de administranto, redaktoro ; la kasisto rezignis sian ~on. 2 (de io) Aparta servo de organo, maŝino kc, konforma al ĝia destino : la ~o de la stomako cslas digesti ; esp-o bonege plenumas en la praktiko ĉiujn ~ojn, kiujn ni povas postuli de lingvo internacia Z ; la diversaj ~oj de vorto en la frazo (subjekto, predikato, komplemento). 3 Δ Kvanto kiu varias depende de alia. ~ado. Ago de tiu aŭ tio, kiu ~as ; agado celanta plenumi difinitan servon : la ~ado de horloĝo ; la ~ado de la kurso ĉesas dum somero ; la banko ĉesigis sian ~adon ; la diverslingveco tre ĝenas la ~adon de internaciaj kongresoj ; la komisiono postulas la mal~adon de ĉiuj armilfabrikoj. ~ulo. Homo komisiita por plenumi daŭran difinitan oficon, ~on ; oficisto : ŝtata aŭ privata ~ulo.

\*Funto. Mezuro de pezo diversvalora laŭ la landoj (proksimume duono de kilogramo). Vd STERLINGA.

furo ☌. Ĉasputoro (pulatorius furo).